

59
Wi bidden dattu den paus. cardi-
nalen. biscopen. priesteren en dert-
ken. den keiser. coningen en grauen
en alle kersten menschen arm en ryc
behoeden wilste van des viants stric-
ken en van allen quaden. hoir ons.

Wi bidden dattu den staet der heili-
ger kercke in allen dine diensten ver-
meerderen wilt in heilicheit. h.

Wi bidden dattu allen den ghene
die ons goet doen en goet gedaen heb-
ben gewaerdige wilste te geuen dat
ewige leuen. hoir ons.

Dattu alle bedruete herten tot dijre-
eren wilste vtroeste en verbliden. h.

Dattu ons wilste leiden ten ewige
leuen. h. **D**attu alle geloeuighe
sielen en alle mynre ~~sielen~~ vrienden
sielen en alle die in dynre mine ge-
storuen syn wilste verlossen wt die
pine des vegheuiers en geuen he dat
ewich leuen. hoir ons.

Wi bidden di dattu di gewaerdigē
wulste ons te verhozen. **h**our ons.

Oen gods wi bidden di hour ons
Iam gods die afnemes die sonde
der werelt. spaer ons here

Iam gods die afnemes die sonde
der werelt. verlost ons here

Iam gods die afnemes die sonde
der werelt. ghif ons vrede

Here ontferme di onser

Ohrifte ontferme di onser

Here ontferme di onser

Ohrifte hour ons **P**ater nost' **ic.**

Et ne nos **ic.** **H**ere verhour mij ghe
beth **E**nde mijn roepe **ic.** **Collecte.**

Wi bidden di here vhour die bede
der inniger menschen lide mit
den sonden der gheenre die v belien in
biechten. op dattu goedertiren ons ghe
ues verghiffenis te gader ende vrede.
Die leues en regneers god almach
tich inder ewicheit **A**men.